



SLUŽBENI GLASNIK OPĆINE JABLANICA

broj 8/2019.







S A D R Ž A J
SLUŽBENOG GLASNIKA OPĆINE JABLANICA
BROJ: 8/2019

Red. br.	N A Z I V A K T A	Strana
1.	Odluka o radnom vremenu objekata u kojima se obavljaju trgovačka, ugostiteljska, obrtnička i njima srodne djelatnosti na području općine Jablanica	5
2.	Odluka o raspodjeli sredstava za rješavanje stambenih potreba boračkih populacija u 2019.g.	8
3.	Odluka o raspodjeli sredstava nevladinim organizacijama i za projekte mladih, iz Budžeta Općine Jablanica za 2019. godinu –po LOD metodologiji	9
4.	Odluka o utvrđivanju javnog interesa za izgradnju priključnog 10(20) kV nadzemnog voda za STS „Rodići“ i izgradnju STS_B 10(20)/04 kV „Rodići“	12
5.	Zaključak o utvrđivanju Nacrta Odluke o dimnjačarskoj djelatnosti	13
6.	Zaključak o utvrđivanju Nacrta Pravilnika o kriterijima za sufinansiranje javnog interesa u oblasti sporta iz budžeta Općine Jablanica	13
7.	Zaključak u vezi dostave Informacije o statusu upisa zemljišta	14
8.	Zaključak u vezi dostave Informacije o mogućim pravnim radnjama radi upisa prava vlasništva Općine Jablanica	14
9.	Zaključak o usvajanju Incijative Kluba vijećnika OO SDP BiH Jablanica	15





Na osnovu člana 24. stav 1. i 3. Zakona o unutrašnjoj trgovini (Službene novine FBiH broj: 40/10 i 79/17), člana 9. Zakona o ugostiteljskoj djelatnosti HNK (Službene novine HNK broj: 12/17), člana 31. Zakona o obrtu i srodnim djelatnostima (Službene novine HNK broj: 6/08) člana 7. stav 1. Zakona o javnom redu i miru HNK (Službene novine HNK 9/09) člana 16. i 17. Zakona o zaštiti od buke FBiH (Službene novine FBiH broj: 110/12) i člana 18 Statuta Općine Jablanica (Službeni glasnik Općine Jablanica broj 2/09 i 8/16) Općinsko vijeće na sjednici održanoj dana 30.05.2019.godine donijelo je

ODLUKU
O RADNOM VREMENU TRGOVAČKIH, UGOSTITELJSKIH OBRTNIČKIH I SRODNIH
RADNJI I DJELATNOSTI NA PODRUČJU OPĆINE JABLANICA

I OPĆE ODREDBE

Član 1.

Ovom Odlukom se utvrđuje radno vrijeme trgovačkih, ugostiteljskih i obrtničkih (srodnih) djelatnosti poslovnih subjekata i njihovih poslovnih jedinica na području općine Jablanica.

Odredbe iz stava 1. Ovog člana odnose se na fizičke i pravne osobe koje obavljaju navedene djelatnosti.

Član 2.

Radnim vremenom u smislu ove Odluke smatra se radno vrijeme u kojem trgovačke, ugostiteljske, obrtničke i srodne radnje i djelatnosti moraju raditi radi pružanja usluga i zadovoljenja potreba građana, u skladu sa registrovanom djelatnosti.

Član 3.

Radno vrijeme trgovačkih objekata može trajati od 06.00 - 22.00 sata u zimskom periodu i od 06.00 - 24.00 u ljetnom periodu svakog radnog dana u sedmici.

Prodavnice tipa dragstor moraju biti otvorene neprekidno od 00.00 - 24.00 sata.

Odredbe iz stava 1. ovog člana se odnose i na radno vrijeme apoteka, s tim što će nadležna služba Općine Jablanica svojom posebnom odlukom odrediti dežuru za rad u dane vikenda, kao i u dane državnih i vjerskih praznika.

Radno vrijeme trgovačkih, obrtničkih i srodnih radnji i djelatnosti ne može biti kraće od 7 (sedam) sati dnevno, s tim da ne može biti kraće od 4 sata prije podne i 3 sata poslije podne, ako ovom Odlukom nije drugačije određeno.

Izuzetak od odredbi stava 1. ovog člana čine određene vrste radnji za koje se može utvrditi radno vrijeme u intervalu od 00.00 - 24.00 sata radnim danom i nedjeljom i to:

- ✓ Pekarske radnje
- ✓ Benzinske pumpe i objekti u sastavu pumpe

Izuzetno, subotom i nedjeljom i u dane državnih i vjerskih praznika, može se utvrditi i kraće dnevno radno vrijeme.

Radno vrijeme može biti i duže od minimalnog, pod uslovima određenim ovom Odlukom.

Član 4.

Radno vrijeme tržnicama na malo, odnosno pijaca, određuje se pijačnim redom, koji donosi trgovac koji pruža usluge tržnice na malo, odnosno pijace, i na koji saglasnost daje nadležni organ lokalne samouprave.

Radno vrijeme sajмова, izložbi i drugih povremenih načina obavljanja trgovine utvrđuje nadležna općinska služba u svakom konkretnom slučaju.

**Član 5.**

Radno vrijeme za obrtničke i srodne radnje i djelatnosti registrovane kao dopunsko zanimanje, isključivo samostalnim radom, utvrđuje se najduže 20 (dvadeset) sati sedmično, odnosno 4 (četiri) sata dnevno.

Član 6.

Radno vrijeme radnji koje pružaju usluge zabave/saloni zabavnih igara, igara na sreću, video klubova i slično određuje se:

- U vremenu od 07.00 - 22.00 sata, u zimskom periodu,
- U vremenu od 07.00 - 23.00 sata, u ljetnom periodu.

Unutar radnog vremena iz ovog člana, vlasnik radnje može slobodno odrediti radno vrijeme u kojem će poslovati, a koje ne može trajati manje od 8 sati radnim danom.

Član 7.

Ugostiteljski objekti mogu raditi:

- a) Iz skupine "Hoteli" (hotel baština, hotel, aparthotel, turističko naselje, turistički apartmani, motel i pansion) obavezno rade od 00.00– 24.00 sata svaki dan;
- b) iz skupine "Restorani" i "Barovi", od 06.00 - 24.00 sata;
- c) iz skupine "Barovi" koji ispunjavaju uslove za rad noću u skladu sa posebnim propisima (noćni klub, noćni bar i disko klub), samo u zatvorenim prostorima najduže do 06.00 sati;
- d) iz skupine "Restorani" i "Barovi" koji se nalaze izvan naseljenih područja od 00.00 - 24.00 sata;
- e) na autobuskim stanicama, benzinskim pumpama i slično u radnom vremenu objekta u koje se nalaze;
- f) iz skupine "Objekti jednostavnih usluga" (u kiosku, brzih usluga, u nepokretnom vozilu ili priključnom vozilu, u šatoru, na klupi na kolicima ili sličnim napravama) od 06.00 - 24.00 sata.

Nadležna općinska služba može najduže za 2 (dva) sata odlukom produžiti propisano radno vrijeme ugostiteljskih objekata iz stava 1. tačka b. i f. ovog člana.

Iznimno od stava 2. ovog člana, nadležna općinska služba može za pojedine ugostiteljske objekte iz stava 1. tačka b, i f. ovog člana, rješenjem odrediti drugačije radno vrijeme.

Ugostitelj određuje radno vrijeme ugostiteljskih objekata iz skupine "Kampovi i druge vrste ugostiteljskih objekata za smještaj"

Ugostitelji su dužni isključiti muziku 1 (jedan sat) prije isteka radnog vremena a objekat može nastaviti raditi do isteka radnog vremena do kada su gosti dužni napustiti objekat.

Član 8.

Obavijest o radnom vremenu poslovnih subjekata mora biti vidno istaknut na ulazu u objekat, i isti su dužni pridržavati se propisanog radnog vremena.

Radno vrijeme mora biti istaknuto za vrijeme poslovanja u radne dane kao i u vrijeme neradnih dana i praznika.

Član 9.

Ljetne bašte postavljene na javnim površinama te ljetne bašte uz ugostiteljski objekat moraju biti adekvatno očišćenje pola sata nakon završetka rada.

II POSEBNE ODREDBE**Član 10.**

Za dobijanje odobrenja za produženo radno vrijeme iz člana 7. tačka b, i f, ove Odluke ugostitelj je dužan podnijeti pismeni zahtjev, najkasnije tri dana prije dana u kojem namjerava raditi duže od radnog vremena propisanog ovom Odlukom.



Kriteriji za određivanje dužeg radnog vremena od propisanog su:

- ✓ da u ugostiteljskom objektu nije u prethodna 3 mjeseca zabilježeno prekoračenje radnog vremena i remećenje javnog reda i mira,
- ✓ da ugostiteljski objekat ima ugrađene limitatore na zvučnicima,
- ✓ da je razlog dužeg radnog vremena kulturno zabavni događaj, maturalna zabava ili državni/vjerski praznik, svadbe i sl.

Nadležna služba po službenoj dužnosti može za vrijeme vjerskih i državnih praznika zajedničkom odlukom a najduže 2 (dva) sata, produžiti propisano radno vrijeme ugostiteljskim objektima iz člana 7 tačke b. i f. ove Odluke.

III NADZOR

Član 11.

Nadzor nad sprovođenjem odredbi ove Odluke, vršit će tržni, ugostiteljski inspektor i Policijska stanica Jablanica.

Policijska stanica Jablanica, tržišni i ugostiteljski inspektor obavezni su nadležnoj službi, redovno (tromjesečno) dostavljati izvještaj o zabilježenom prekoračenju propisanog radnog vremena i narušavanje javnog reda i mira u poslovnim subjektima iz člana 1. ove Odluke.

IV KAZNE NE ODREDBE

Član 12.

Novčanom kaznom od 1.000,00 KM do 10.000,00 KM bit će kažnjen trgovac pravna osoba ako na prodajnom objektu ne istakne i ne pridržava se utvrđenog radnog vremena.

Novčanom kaznom u iznosu od 300,00 KM do 1.500,00 KM bit će kažnjena za prekršaj i odgovorna osoba u pravnoj osobi trgovcu ako na prodajnom objektu ne istakne i ne pridržava se utvrđenog radnog vremena.

Novčanom kaznom od 400,00 KM do 1.200,00 KM bit će kažnjen trgovac fizička osoba ako na prodajnom objektu ne istakne i ne pridržava se utvrđenog radnog vremena.

Član 13.

Novčanom kaznom od 100,00 KM od 1.500,00 KM kaznit će se za prekršaj vlasnik radnje-obrtnik ili osoba koja obavlja srodnu djelatnost, ako na vidnom mjestu ne istakne radno vrijeme i ne pridržava se utvrđenog radnog vremena.

Novčanom kaznom od 20,00 KM od 300,00 KM kaznit će se uposlenik ili privremeni uposlenik u izdvojenom prostoru (obrta i srodne djelatnosti), ako na vidnom mjestu ne istakne radno vrijeme i ne pridržava se utvrđenog radnog vremena.

Član 14.

Novčanom kaznom od 1.000,00 KM do 10.000,00 KM kaznit će se za prekršaj ugostitelj pravna osoba, ako se ne pridržava propisanog i istaknutog radnog vremena.

Novčanom kaznom od 500,00 KM do 2.000,00 KM kaznit će se za prekršaj i odgovorna osoba u pravnoj osobi ugostitelju, ako se ne pridržava propisanog i istaknutog radnog vremena.

Novčanom kaznom od 500,00 KM do 1.500,00 KM kaznit će se za prekršaj ugostitelj fizička osoba, ako se ne pridržava propisanog i istaknutog radnog vremena.



V ZAVRŠNE ODREDBE

Član 15.

Poslovni subjekti koji posluju u objektima iz člana 1. ove Odluke, dužni su svoje radno vrijeme uskladiti sa odredbama ove Odluke u roku od 90 dana od dana njenog stupanja na snagu .

Član 16.

Stupanjem na snagu ove Odluke prestaje primjena Odluke o poslovnom radnom vremenu (Službeni glasnik Općine Jablanica broj 6/12).

Član 17.

Odluka stupa na snagu danom donošenja, a objavit će se u ‘‘ Službenom glasniku Općine Jablanica ‘‘.

Bosna i Hercegovina
Federacija Bosne i Hercegovine
Hercegovačko-neretvanski kanton

OPĆINA JABLANICA
OPĆINSKO VIJEĆE

Broj:02-02-1400-1/19-XXIX.
Jablanica, 30.05.2019.g.

PREDSJEDAVAJUĆI OV-a
Mate Mijić,ing.stroj.,s.r.

Na osnovu člana 18. Statuta općine Jablanica (Službeni glasnik općine Jablanica broj: 2/09), člana 33. a u vezi sa članom 26. Pravilnika o uslovima, načinu, postupku i kriterijima za pružanje pomoći u rješavanju stambenih pitanja porodica poginulih, umrlih i nestalih branilaca-branitelja i boračkih populacija («Sl. glasnik općine Jablanica», br.2/10), a u skladu sa Rang listama porodica šehida-poginulih, nestalih i umrlih boraca-branitelja; ratnih vojnih invalida i demobilisanih boraca, Općinsko vijeće Jablanica na XXIX (29) sjednici održanoj dana 30.05.godine donijelo je

ODLUKU

o raspodjeli sredstava za rješavanje stambenih potreba boračkih populacija

Član 1.

Pripadnicima boračkih populacija dodjeljuju se sredstva kao pomoć u rješavanju stambenih potreba pripadnika boračkih populacija u 2019. godini u ukupnom iznosu od 30.000,00 KM i to kako slijedi:

1. Porodice šehida-poginulih, nestalih i umrlih boraca-branitelja 10.500,00 KM, od toga:

- 1 kredit od 5.000,00 KM
- 1 kredit od 3.500,00 KM
- 1 kredit od 2.000,00 KM

R.broj	Prezime i ime	Namjena	Iznos
1.	Letić Jasminka	Izgradnja kuće	5.000,00 KM S.R.
2.	Zukić Sabina	Sanacija kuće	3.500,00 KM S.R.
3.	Memidžan Zumra	Sanacija stana	2.000,00 KM S.R.

2. Ratni vojni invalidi 10.500,00 KM od toga:

- 1 kredit od 7.500,00 KM
- 1 kredit od 3.000,00 KM

R.broj	Prezime i ime	Namjena	Iznos
1.	Hairić Emin	Kupovina stana	7.500,00 KM
2.	Haračić Hariz	Sanacija stana	3.000,00 KM

**3. Demobilisani borci 9.000,00 KM od toga:**

- 4 kredita od po 2.000,00 KM
- 1 kredit od 1.000,00 KM

R.broj	Prezime i ime	Namjena	Iznos
1.	Ivković Edin	Izgradnja kuće	2.000,00 KM
2.	Đelmo Mustafa	Adaptacija stana	2.000,00 KM
3.	Spahić Muhamed	Sanacija krova	2.000,00 KM
4.	Maslo Ismail	Sanacija krova	2.000,00 KM
5.	Karić Emir	Izgradnja kuće	1.000,00 KM

Član 2.

Pojedinačni iznosi sredstava iz člana 1. dodjeljuju se korisniku sredstava kao kreditna i bespovratna u omjeru 70%:30% pojedinačno dodjeljenih sredstava.

Član 3.

Odluka stupa na snagu danom donošenja, a objavit će se u Službenom glasniku općine Jablanica.

Bosna i Hercegovina
 Federacija Bosne i Hercegovine
 Hercegovačko-neretvanski kanton
 OPĆINA JABLANICA
 OPĆINSKO VIJEĆE
 Broj:02-02-1400-3/19-XXIX.
 Jablanica, 30.05.2019.g.

PREDSJEDAVAJUĆI OV-a
 Mate Mijić,ing.stroj.,s.r.

Na osnovu člana 18. Statuta Općine Jablanica («Službeni glasnik Općine Jablanica» broj : 2/09, 8/16), člana 12. Odluke o načinu odabira projekata nevladinih/neprofitnih organizacija po LOD metodologiji («Službeni glasnik Općine Jablanica» broj: 2/13), Općinsko vijeće na svojoj XXIX (29) sjednici, održanoj dana 30.05.2019. godine, *donijelo je*

ODLUKU

**o raspodjeli sredstava nevladinim i omladinskim organizacijama iz Budžeta – Proračuna
 Općine Jablanica za 2019. godinu po LOD metodologiji**

Član 1.

Odobravaju se sredstva nevladinim organizacijama sa područja Općine Jablanica po Javnom pozivu za kandidovanje projekata nevladinih organizacija koji će se finansirati iz Budžeta – Proračuna Općine Jablanica za 2019. godinu opredjeljenih za projekte nevladinih i omladinskih organizacija.

Ovom Odlukom na osnovu provedene propisane procedure utvrđuje se lista projekata od rednog broja 1 do 17 koji su odabrani za finansiranje projekata nevladinih organizacija u 2019. godini:


PROJEKTI NEVLADINIH ORGANIZACIJA

R.Br.	Naziv NVO	Naziv projekta	Odobrena sredstva	Bodovi
1	Udruženje za pozitivne društvene promjene "Emel"	Mala škola poduzetništva- Izrada biznis plana	1.600,00 KM	89
2	Savez poljoprivrednih udruženja	Sajam zdrave hrane ljekobilja i pčelarstva 2019	1.600,00 KM	88
3	Udruženje "Green Valley"	Valorizacija stijene "Prenjska vrata" u turističke svrhe	1.500,00 KM	87
4	Udruženje za pozitivne društvene promjene "Emel"	Mala škola engleskog jezika	1.500,00 KM	87
5	Društvo "Josip Broz Tito"	IV kulturno-umjetnički festival antifašizma	1.300,00 KM	86
6	"BZK "Preporod" Jablanica	Veće sevdaha	1.000,00 KM	85
7	Udruženje za djecu i omladinu "Galeb"	Veće uz gitaru	1.000,00 KM	85
8	Udruženje za djecu i omladinu "Galeb"	Gitara za početnike	1.200,00 KM	84
9	Udruženje "Green Valley"	Uređenje postojeće infrastrukture na plaži "Peta"	1.200,00 KM	84
10	USR "Glavatica	Internacionalni kup "Jablaničko ljeto 2019"	1.500,00 KM	83
11	Udruženje "Zlatno putovanje"	"Eko patrola"	1.400,00 KM	80
12	PD "Bagrem" Jablanica	Edukacija i stručna podrška do samoodrživog poduzetničkog pčelarstva	1.400,00 KM	79
13	Klub radioamatera Jablanica	Stručno usavršavanje mladih iz oblasti tehničke kulture i radioamaterizma	1.000,00 KM	77
14	"BZK "Preporod" Jablanica	Harmoniko moja	1.000, 00 KM	77
15	AC "Sunce" Jablanica	Općinsko saobraćajno- obrazovno takmičenje 2019	1.400,00 KM	76
16	HKD "Napredak" Jablanica	Napredkov vikend u Jablanici	1.500, 00 KM	75
17	AC "Sunce" Jablanica	Autosjedalice uvijek i bez izuzetka	1.000,00 KM	73
U K U P N O			22.100,00 KM	

Član 2.

Ovom Odlukom utvrđuje se iznos od 2.900,00 KM koji će se koristiti za vanredne intervencije (hitne i nepredviđene slučajeve) za projekte nevladinih organizacija koji se pojave tokom godine, a koje će svojim zaključkom odobriti Općinski načelnik, u saradnji sa komisijom za ocjenu prijedloga projekta po Javnom pozivu upućenom organizacijama civilnog društva za dostavljanje prijedloga projekata u općini Jablanica u 2019. godini.

Član 3.

Ovom Odlukom na osnovu provedene propisane procedure utvrđuje se lista projekata od rednog broja 1 do 9 koji su odabrani za finansiranje projekata omladinskih organizacija u 2019. godini:


PROJEKTI OMLADINSKIH ORGANIZACIJA

R.Br.	Naziv NVO	Naziv projekta	Odobrena sredstva za 2019. godinu	Bodovi
1	Omladinski klub "Pod istim suncem" Jablanica	Omladinski ljetni kamp 2019	2.200,00 KM	94
2	Omladinski klub "Pod istim suncem" Jablanica	Promocija jablaničkog i grabovičkog jezera i uvođenje novog turističkog proizvoda	2.200,00 KM	93
3	Omladinski klub "Pod istim suncem" Jablanica	Volonterizmom protiv apatije	2.000,00 KM	90
4	Omladinska organizacija "Prenj" Jablanica	„Ljetne igre 2019“	2.000,00 KM	88
5	OKC"Urban Art" Jablanica	Coworking prostora	2.100,00 KM	86
6	Centar za edukaciju "Narenta" Jablanica	„Mala škola njemačkog jezika“	1.600,00 KM	86
7	Omladinska organizacija "Prenj" Jablanica	Četri turističke steze na Prenju	1.800,00 KM	85
8	Centar za edukaciju "Narenta" Jablanica	„Mala škola engleskog jezika“	1.600,00 KM	83
9	OKC"Urban Art" Jablanica	Urban winter fest 2019“	2.000,00 KM	83
UKUPNO			17.500,00 KM	

Član 4.

Ovom Odlukom utvrđuje se iznos od 2.500,00 KM koji će se koristiti za vanredne intervencije (hitne i nepredviđene slučajeve) za projekte omladinskih organizacija koji se pojave tokom godine, a koje će svojim zaključkom odobriti Općinski načelnik, u saradnji sa komisijom za ocjenu prijedloga projekta po Javnom pozivu upućenom organizacijama civilnog društva za dostavljanje prijedloga projekata u općini Jablanica u 2019. godini.

Član 5.

Nevladine organizacije sa područja općine Jablanica kojima su odobrena sredstva za projekte u 2019. godini nakon potpisivanja ugovora o realizaciji projekata obavezuju se da odobrene projekte realizuju u skladu sa odredbama ugovora o dodjeli sredstava nevladinim organizacijama, a doznaka finansijskih sredstava vršit će se u skladu sa planom realizacije projekata.

Zadužuje se Viši stručni saradnik za nevladin sektor da vrši monitoring odobrenih projekata, te prilikom sklapanja ugovora sačini poseban sporazum sa nevladinim organizacijama u kome će tačno definisati stavke koje su korigovane u odnosu na projekat koji je apliciran kako bi se isti uspješno realizovao, i kako bi se mogla pratiti realizacija istog.

Sporazum iz prethodnog stava je sastavni dio ugovora koji nevladine organizacije zaključuju sa Općinskim načelnikom Općine Jablanica.

Član 6.

Ova Odluka stupa na snagu danom donošenja, a objavit će se u «Službenom glasniku Općine Jablanica»

Bosna i Hercegovina
 Federacija Bosne i Hercegovine
 Hercegovačko-neretvanski kanton
 OPĆINA JABLANICA
 OPĆINSKO VIJEĆE
 Broj:02-02-1400-5/19-XXIX.
 Jablanica, 30.05.2019.g.

PREDSJEDAVAJUĆI OV-a
 Mate Mijić, ing.stroj.,s.r.



Na osnovu člana 14. stav 4. Zakona o eksproprijaciji ("Službene novine FBiH", broj: 70/07, 36/10, 25/12, 34/16) i člana 18. Statuta Općine Jablanica ("Službeni glasnik Općine Jablanica" broj 02/09, 8/16), Općinsko vijeće na XXIX redovnoj sjednici održanoj dana 30.05.2019. godine, *donijelo je*

ODLUKU

I

UTVRĐUJE SE DA JE OD JAVNOG INTERESA izgradnja priključnog 10(20) kV nadzemnog voda za STS Rodići i izgradnja STS_B 10(20)/0,4 kV Rodići, pa se radi izvođenja radova može pristupiti nepotpunoj eksproprijaciji (ustanovljenju služnosti) na dijelu zemljišta označenom kao:

- k.č. broj **316**, zv. „Selo“, u naravi nekategorisani put, dobro u opštoj upotrebi – putevi, površine 1908 m², upisana u ZK uložak 71 K.O. Rodići, Općina Jablanica sa 1/1 dijela;
- k.č. broj **317**, zv. „Selo“, u naravi nekategorisani put, dobro u opštoj upotrebi - putevi, površine 572 m², upisana u ZK uložak 71 K.O. Rodići, Općina Jablanica sa 1/1 dijela;

II

Utvrđuje se da je Javno preduzeće «ELEKTROPRIVREDA BIH» d.d. Sarajevo, Podružnica «Elektrodistribucija» Mostar korisnik nepotpune eksproprijacije za izgradnju priključnog 10(20) kV nadzemnog voda za STS Rodići i izgradnju STS_B 10(20)/0,4 kV Rodići, na zemljištu iz tačke I ove odluke.

III

Protiv ove odluke može se pokrenuti upravni spor podnošenjem tužbe Kantonalnom sudu Mostar u roku od 30 dana od dana dostavljanja ove odluke. Tužba se podnosi neposredno sudu.

IV

Ovo odluka stupa na snagu danom donošenja, a ista će biti objavljena u Službenom glasniku Općine Jablanica.

Obrazloženje

Podneskom broj 03-3-22-4914/2019 od 12.04.2019. godine, zaprimljen dana 15.04.2019. godine, JP «ELEKTROPRIVREDA BIH» d.d. Sarajevo, Podružnica «Elektrodistribucija» Mostar, obratilo se Službi za upravu za geodetske, imovinsko-pravne poslove i katastar nekretnina Općine Jablanica, sa prijedlogom da se na osnovu člana 14. stav 4. Zakona o eksproprijaciji ("Službene novine FBiH" broj: 70/07, 36/10, 25/12), donese odluka o utvrđivanju javnog interesa za izgradnju priključnog 10(20) kV nadzemnog voda za STS Rodići i izgradnju STS_B 10(20)/0,4 kV Rodići, na dijelu zemljišta označenog brojevima katastarskih parcela 316 i 317 K.O. Rodići, te da se u te svrhe može pristupiti nepotpunoj eksproprijaciji navedenog zemljišta.

Uz zahtjev je priloženo:

- fotokopija pravosnažnog Rješenja broj: 04/5-25-1-562/18 od 30.11.2018. godine;
- fotokopija pravosnažnog Rješenja broj: 04/5-25-1-562-1/18 od 27.02.2019. godine;
- zemljišnoknjižni izvadak broj 056-0-NAR-19-000 475 od 29.01.2019. godine.

U cilju provođenja postupka nepotpune eksproprijacije ustanovljenjem služnosti na zemljištu koje je obuhvaćeno naprijed navedenim postupkom, u skladu sa članom 14. stav 4. Zakona o eksproprijaciji Općinsko vijeće Jablanica riješilo je kao u dispozitivu ove odluke.

Odredba da se protiv ove odluke može pokrenuti upravni spor, temelji se na odredbi člana 16. stav 5. Zakona o eksproprijaciji («Službene novine F BiH», broj:70/07, 36/10, 25/12, 34/16).

Bosna i Hercegovina
Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKO VIJEĆE
Broj:02-02-1400-6/19-XXIX.
Jablanica, 30.05.2019.g.

PREDSJEDAVALAČI OV-a
Mate Mijić,ing.stroj.,s.r.



Na osnovu člana 18. Statuta općine Jablanica ("Službeni glasnik općine Jablanica" broj: 2/09 i 8/16), Općinsko vijeće Općine Jablanica, na XXIX sjednici održanoj dana 30.05.2019. godine, d o n o s i

ZAKLJUČAK

I

Utvrđuje se Nacrt Odluke o dimnjačarskoj djelatnosti.

Sastavni dio ovog zaključka čini Nacrt Odluke o dimnjačarskoj djelatnosti .

II

O Nacrtu Odluke o dimnjačarskoj djelatnosti sproved će se javna rasprava u trajanju do 60 dana.

Javnu raspravu će sprovesti Služba za upravu za prostorno uređenje, građenje, zaštitu okoline i stambeno – komunalne poslove.

III

Ovaj Zaključak stupa na snagu danom donošenja, a objavit će se u "Službenom glasniku Općine Jablanica".

Bosna i Hercegovina
Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKO VIJEĆE
Broj:02-02-1400-2/19-XXIX.
Jablanica, 30.05.2019.g.

PREDSJEDAVAJUĆI OV-a
Mate Mijić,ing.stroj.,s.r.

Na osnovu člana 18. Statuta općine Jablanica ("Službeni glasnik općine Jablanica" broj: 2/09 i 8/16), Općinsko vijeće Općine Jablanica, na XXIX sjednici održanoj dana 30.05.2019. godine, d o n o s i

ZAKLJUČAK

I

Utvrđuje se Nacrt Pravilnika o kriterijima za sufinansiranje javnog interesa u oblasti sporta iz budžeta Općine Jablanica.

Sastavni dio ovog zaključka čini Nacrt Pravilnika o kriterijima za sufinansiranje javnog interesa u oblasti sporta iz budžeta Općine Jablanica.

II

O Nacrtu Pravilnika o kriterijima za sufinansiranje javnog interesa u oblasti sporta iz budžeta Općine Jablanica sproved će se javna rasprava u trajanju od 15 dana.

Javnu raspravu će sprovesti Služba za opću upravu, društvene djelatnosti, boračko – invalidsku zaštitu, socijalna pitanja i zajedničke poslove.



III

Ovaj Zaključak stupa na snagu danom donošenja, a objavit će se u “Službenom glasniku Općine Jablanica”.

Bosna i Hercegovina
Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKO VIJEĆE
Broj:02-02-1400-4/19-XXIX.
Jablanica, 30.05.2019.g.

PREDSJEDAVALAČI OV-a
Mate Mijić,ing.stroj.,s.r.

Na osnovu člana 18. Statuta općine Jablanica (“Službeni glasnik općine Jablanica” broj: 2/09 i 8/16), Općinsko vijeće Općine Jablanica, na XXIX sjednici održanoj dana 30.05.2019. godine, d o n o s i

ZAKLJUČAK

I

Nalaže se Službi za upravu za geodetske, imovinsko – pravne poslove i katastar nekretnina da za sljedeću sjednicu OV-a dostavi informaciju o statusu upisa zemljišta u državnoj svojini na području obuhvata Regulacionog plana “ Risovac” a koje je proglašeno građevinskim zemljištom.

II

Ovaj Zaključak stupa na snagu danom donošenja, a objavit će se u “Službenom glasniku Općine Jablanica”.

Bosna i Hercegovina
Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKO VIJEĆE
Broj:02-02-1400-8/19-XXIX.
Jablanica, 30.05.2019.g.

PREDSJEDAVALAČI OV-a
Mate Mijić,ing.stroj.,s.r.

Na osnovu člana 18. Statuta općine Jablanica (“Službeni glasnik općine Jablanica” broj: 2/09 i 8/16), Općinsko vijeće Općine Jablanica, na XXIX sjednici održanoj dana 30.05.2019. godine, d o n o s i

ZAKLJUČAK

I

Nalaže se Općinskom javnom pravobranilaštvu da za sljedeću sjednicu OV-a dostavi informaciju o mogućim pravnim radnjama radi upisa prava vlasništva Općine Jablanica na zemljištu u državnoj svojini na području obuhvata Regulacionog plana “ Risovac”, a koje je proglašeno građevinskim zemljištem.

II

Ovaj Zaključak stupa na snagu danom donošenja, a objavit će se u “Službenom glasniku Općine Jablanica”.



Bosna i Hercegovina
Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKO VIJEĆE
Broj:02-02-1400-9/19-XXIX.
Jablanica, 30.05.2019.g.

PREDSJEDAVAJUĆI OV-a
Mate Mijić,ing.stroj.,s.r.

Na osnovu člana 18. Statuta općine Jablanica ("Službeni glasnik općine Jablanica" broj: 2/09 i 8/16), Općinsko vijeće Općine Jablanica, na XXIX sjednici održanoj dana 30.05.2019. godine, d o n o s i

ZAKLJUČAK

I

Usvaja se Incijativa Kluba vijećnika OO SDP BiH Jablanica o promjeni načina apliciranja na javni poziv za dodjelu sredstava po LOD metodologiji za Organizacije civilnog društva koji implementira Općina Jablanica uz uslov da se izvrše izmjene i dopune u Smjernicama za podnositelje prijedloga projekata prilikom raspisivanja Javnog poziva za narednu 2020. godinu, a u kojima će biti definisan način apliciranja svih potencijalnih podnositelja projektnih prijedloga, a koje su prateći dio Odluke o načinu odabira projekata nevladinih/neprofitnih organizacija po LOD metodologiji.

II

Ovaj Zaključak stupa na snagu danom donošenja, a objavit će se u "Službenom glasniku Općine Jablanica".

Bosna i Hercegovina
Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKO VIJEĆE
Broj:02-02-1400-7/19-XXIX.
Jablanica, 30.05.2019.g.

PREDSJEDAVAJUĆI OV-a
Mate Mijić,ing.stroj.,s.r.

